

Wejrowò, 28 czerwińca 2014 r.

## **Dejowi ùchwólënk**

### **5. Òglowégò Zéndzeniégò Kaszëbsczi Jednotë**

Minãlë trzë lata òd założeniégò Kaszëbsczi Jednotë, chtërny ùdbą je rozwij nôrodny, òbëwatelsczi ë kùlturowi swiadë Kaszëbów, òchróna naszégò jãzëka i tradicje. To bëła etapa òrganizowaniégò robòtë w naszi stowôrze ë téż czas angażowaniégò sã w wiele pòdjimiznów, co miałë służec ùchwòwaniémù naszi kaszëbsczi jistnoscë ë rozwijowi nôrodnégò pòczëcégò Kaszëbów.

Widzymë szëk tegò co robimë ë mdzemë dali aktywno sztòltowac naszą kùlturową spòdkòwizną. Mdzemë szlë przék asymilacje, bò nie chcemë bëc wënòrodniwóny w demòkracycznym państwie, le w jegò greńcach òsygnac fùl prawów, jaczé slëchają òbëwatelóm jiny nôrodnoscë. Dlòte wcyg żądómë wpisaniégò Kaszëbów jakno etniczny miészëznë na lëstã nôrodnëch karnów chronionëch mòcą pòlsczégò Ùstawù ò nôrodnëch ë etnicznych miészëznach z 2005 rokù. Chcemë téż, cobë òbëwatele kaszëbsczi nôrodnoscë mielë swójégò przedstòwcã w Pòspólny Kòmisje Rządu ë Nôrodnëch a Etnicznëch Miészëznów.

W Kraju Kaszëbów ë w Pòlsce Kaszëbskô Jednota zeswiòdczò chãc wespółrobòtë z bùtenrządowima karnama, pòlitycznyma partiama, jak téż samòrządženama na wszëtczych trzech niwiznach ë rządã Pòlszczi Repùbliczi, przë sztòltowanim kaszëbsczi kùlturowi pòlityczi (w tim jãzëkòwi). Nót je téż sã przëzdrzec na robòtã midzënarodnëch zgrëpinów miészëznów, Èuropejsczégò Parlamenteù ë Radzëznë Èuropë, cobë wëzwëskac jak nòwicy dlò bëlnotë Kaszëbów.

Wieleòrtnosc juwernégò diskùrsu, co je jã mòcno widzec òd mòmentu jak zacząła dziejac Kaszëbskô Jednota, daje pòkrok ë zjinakã w zdrzenim Kaszëbów na swòjã etnokùlturową apartnosc. Jesmë rôd z ùsrãbiwaniégò sã Kaszëbów jakno nôrodu, jak téż z tegò, że coròz wicy lëdzy rozmieje, jizë më wszëtcë jesmë jednotą òpiartą na naszi swiadze ë naszi wòlë. Më Kaszëbi – më nôród.

Prowadnik  
Karól Ròda

Protokùlant  
Mateùsz Szmët